

KUMPUNAN
RAM LEH HNAM
HUMHALH

YMA AW



CHANMARI WEST BRANCH YMA CHANCHINBU KAR TIN CHHUAH. VOL. XXIII. ISSUE NO.22 27th May, 2012

Central YMA football khel mek

Branch News

Chanmari West, May 27:

Central YMA buatsaih branch hrang hrang football-a inelna Vodafone Cup khelh mek a ni a, a thiam 16 zingah Chanmari West inhlangkaiin, nimin tlai khan Ramhlun North nen quarterfinal luh inchuhin AR Lammualah kan inkhel a, dinhmun hriat hman a ni ta lo.

Kan branch team hian ni nga chhungin vawi li an khel a, thawhlehi khan tournament bultan nan Tuikual North lakah 2-1 in kan chak a, H Lalnunzira'n vawi hnih a thun.

Nilainiah khel leh nghalin, Kawnpui Vengthar lakah 6-0 in kan chak leh. Chawhlawk hnuah kan vengin vawiruk an tilut a, H Lalnunzira leh Eric Zomuanpuiaten tum hnih ve ve thunin, R Lalrinngetha leh Lalremruataten an khung bawk.

Ni khat awlin zirtawpniah Kawlkuh nen kan insu leh a, H Lalnunzira'n minute 34-ah penalty a

pet luh hmangin kan chak a, pre-quarterfinal khel thei zingah kan tel.

Zirtawp zanah round of 16-a intum tur bakah final thlenga khelh chhoh dan tur pawh siam fel thar leh a ni.

1985 atanga tan YMA football tournament vawi 17-na niin branch 134 an tel a, kumin hi kan tel tawha kan thlen san ber pawl niin, tha thawhtute zawng zawng chungah branch a lawm hle.

He tournament-ah hian Armed Veng leh Electric-in vawi thum ve ve trophy la tawhin, vawi hnih ve ve Chaltlang leh Dinthar an champion tawh bawk a ni.

CYMA tournament neih chhoh mekah Pu TCLalhmangaiha 'CH', Pu PC Lalremkima 'V', Pu Lalrinliana 'K', Pu Lalchhanhima 'K' leh Pu RL. Thanhnuna 'T' te chuan an kal nan motor an thawh a, Ni 25.5.2012 zinga player-te thingpui leh a hmeh Pu H. Lalnunluanga 'V' chuan a tumsak. Round of 16 kan thlen lawmpui nan Pu Lalbiakthanga Khiangte 'CH' chuan Rs 1000.00 a pe a, Pu RK. Rozidinga 'T' chuan Rs. 1000.00 leh player-te hip turin mizo artui a pe bawka, hetiang mi inphal kan Branch team tana mi inpe an awm hi an chungah branch committee chu a lawm hle a, lawmthu a sawi tak meuh meuh a ni.

Ni 23.5.2012 zan khan Lalchhuanawma Kum 26 S/O Vanchhunga, Hunthar veng miin Sairang Road-ah dawr a rawk lai man a ni a, Police hnenah hlan an ni. Ani hian kan vengchhungah ringawt pawh dawr eng emaw zat a lo rawk tawh thin a ni.

In luah tur neiten YMA atanga pem lehkha nei lote chu In luatir lo hram turin kan ngen e.

YMA AW man a lut tha a, a thawktu Section committee-te chungah branch committee chuan lawmthu a sawi tak meuh.

Vawin hi Pentikos ni a ni a, Kohhran hrang hrangten hlim taka an hman theih nan branch committee chuan duhsakna hlan.

LUSUN KHAWHAR

Pu Zoramthanga Kum 63 'T' Section chuan Ni 25.5.2012 zan Dar 11:30 khan min boral san a, a kalsan tak a chhungte Chanmari West branch YMA chuan a tuarpui takzet a ni.



TUNKAR CHANGVAWN

"Mi tinin mahni thiltih fiah theuh zawk rawh se, chu mi hunah chuan mi dang chung ni lovin, mahni chung chauhvah chhuan tur a nei ang".

Galatia 6:4

CYMA -in inrem duh

Central YMA chuan Ni 24.5.2012 khan HPC demand area chhunga branch, group, sub-headquarter leh khawpui chhung branch YMA president-te ko khawmin HPC (D) ten an demand area chhunga YMA thiat tur leh an seal thehlut vek tura a thupek a chhuah chungchang an sawiho a, hetiang thu lo awm ta mai

hi thu inhriat sual palh vanga lo thleng anih avangin HPC (D) te hi an thupek hi sut leh turin an ngen a ni.

Central YMA chuan YMA hi mizo hnahtlak hnam hrang hrangte lungruat taka an telna, hnam tinte inpumkhatna humhimtu leh tlawmngai pawl anih dan hi a la ngai reng a, inremna engtiklai pawhin a duh ber zel a ni a ti.



Vodafone Cup, YMA footbaall tournament khela Chanmari West aiawhtute

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	T. Ngurkhuma	9436190843
Vice President	R. Lalmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte Pu Rothuama, Pi Zamanthangi Pu Lalrengpuia Sailo	

Editorial :

Tunlai hian Veng chhung ah rukruk a hluar leh tan ta hle, kan fimkhur leh zual angai hle. Zan rei leh mi mut reh lai hi an chet duh hun a nih avangin, manchhuah an har phah hle.

A bik takin Aizawl khawpuiah thil bo a tam hle mai a, hei hi ruihhlo nen hian thui tak chu a inzawm a. Ruihhlo a zalen a, ruihhlo ti thinte hian an mamawh ang pawisa an nei reng thei lo va, an hmuh remchan apiang an ru duh a, thenkhat chuan zan lamah hmanraw tha deuhte kengin dawr leh in rawk tur an zawng hial thin.

Khawpui lian leh changkangah pawh rukruk hi a hluar reng a. Ram changkangah chuan CCTV-te dah a ni tawh a, heng hmangte hian misual zawn chhuah a awlsam phah em em a, keini pawh hian thilsualtih tum vengtu tur camera (CCTV) nena an inchhawp a hun tawh hle a ni. Rukru laka invenna lam hi kan ngaihtuah a ngai tawh hle. Veng thenkhat chuan sum inthawh tawmin zan lama duty tur bik an ruai a, bazara dawr thenkhat pawhin zan lamah a vengtu an ruai bawh a, henge hi khawpui dangah pawh an ti thin a, a finthlak hle. Thiamna a san zawh poh leh misualte pawh an fimkhurin an fing ve zel a, hei vang hian khawpui dangte ang bawkin nakinah chuan chhungkaw tin deuhthawin zan lama vengtu neih a la tul hial mai thei a, tihbo hnu a inchhir ai chuan, a hunlaia inven thiam hi a finthlak zawk awm e.

2012 Thuvawn

*I awmdan tur chu
LALPA chungah ngat
la; Amah chu ring la,
aman a ti vek ang.*

Article : (Chhiatrupna laka invenna chungchang hi a remchan dan anga chhuah zeuh zeuh kan tum thin ang a, thu ngaihnaawm tak chu a ni lo mai thei; mahse, kan mamawh tlat si a ni.Ed)

LIRTHEI CHETSUALNA LEH TUI TLA

- Lalchhandama

LIRTHEI CHETSUALNA :

Traffic Police, CID (Crime) leh Disaster Management Centre chhinchhiah danin kum 2007 chhung khan lirthei chetsualna 59 thlengah mi 63 an thi a: 119-in hliam an tuar. Kum 2008 khan lirthei chetsualna 110 a thlenga mi 63-in nunna an chan bawh a; mi 185 in hliam an tuar a ni. Kum 2009-ah lirtheih chetsualna vawi 86 a thleng a, mi 60 zet an thi a; 203 in hliam an tuar leh bawh a ni. Tin, kum 2010 (jan - April)ah chauh pawh khan lirthei chetsualna 157 a thleng hman a, mi 11 an thi a; mi 61 in hliam an tuar bawh.

Kum 2007 atanga 2010 chhung khan motor accident vangin Mizoramah kumtin achawhrualin mi 55 thi ziah ang an ni. Kum 2010 hnu lamah pawh hian lirthei chetsualna hi a pung chho zelin a lang. Kan ram kawng a chhia in a zim a, Lirthei a pung chak bawh si, hei vang hian lirthei chetsualna hi a hluar deuh deuhin a rinawm.

Chetsual na chhan te: Lirthei khalhtu leh a chuangte zu leh ruih theih dang ruih vang, fimkhur loh vang, lirthei chiang kuan loh vang, tlan chak lutuk, kawng chhia, zim, nal, kawi lutuk, phur rit (over load) lutuk vang, Helmet khum loh vangte leh ke a kal ten lirthei an hlauh loh lutuk vangte an ni tlangpui.

Invenna: 1) Lirthei-a chetsualna laka kan him theihna tha ber chu fimkhur hi a ni. Motor khalhtute mai bakah ke a kalte pawh fimkhur thiam a tha hle. Rui chung leh lirthei chiang lo chung a khalh hi a him tawh lo hle bawh, Helmet khum hi Traffic-te tan a ni lova, Lirthei (2-Wheeler) khalhtute tan anih avangin rundalah helmet themhlem tak tak khum lovin, chetsualna a thlen palh pawh a him theih ngeina tur Quality tha khum hi a finthlak hle ang. Tin, Lirthei (2- Wheeler) hmanga zin thin tan pawh a khalhtu leh a hnunga chuang ten helmet khum hi a him hle bawh. 2) Lirthei Gear nei chin khalh thei tur hian kum 18 tlin a ngai a; mahse, khawlaiah School uniform ha, lirthei gear nei khalh an awm fur mai, lehkha an zir muang deuh a ni mai thei e!!!. Kum tling loin lirthei an khalh hian anmahni chetsualna mai bakah midang chetsualna an thlen hma bik hle. Nu leh pate pawhin an khalh thiam tho tih vangin kan fa kum la tling lote tan Lirthei leh Driving License neih sak thin lo ila. State thenkhatah chuan School uniform ha chungin Lirthei eng chi pawh khalh khap a ni awm e.

3) A bik takin 2-Wheeler leh Taxi khalhtute

hi an fimkhur mai bakah hawihhawmna mamawh berte an nih a rinawm. Kawng chep tak karah rem leh rem lo a mi kara inzeh tum reng maite leh mahni duhna hmun hmun a din maite leh kalna tur lam hriattir lo a kawi thut maite hian chetsualna a thlen phah thei bawh.

4) Chetsualna a thlen lohna tur a Dan leh Thupek kengkawhtute an khawng deuh pawhin mipuiin thuawih thiam a pawimawh. Tin, chetsualna a lo thlenin eng emaw thu hnu awm thei anih avangin khawih sawn chi leh chi loh thliar thiam a tul hle. Chetsualna a vanga mitthi an awm phei chuan Police thlen hmaa lo khawih sawn miah lo tur a ni. Mitthi hmel leh thisen chhuak thlalak Computer, Internet leh Mobile phone-ah te thehdarhtu nih loh hi a finthlak hle.

TUI TLA: Tui tla kan zawnna kawngah kan fimkhur tlan deuh a tul, pawng intih thiam lutuk a paw fo, lui ze zia hriate thurawn pawisak te, tui tla an awm veleh pawh a inchhan na hmanrua e.g. hruizen/mau/ thing tlawm sei te ken a tha hle.

Tui tla an awm in Tui hleuh thiam hauh lo pawh a thei thei kan liam duak a, luikamah kan thu nghuk mai a, an tlakna bula veng leh khua mipuite kan ti hah in kan ti hautak lutuk thei a, mi ruang zawng tui a lut bakah kan ei leh in tur buaipuiin an buai fo a ngai thin hi a fel tawh lo hle. Chubakah ril a tam chuan lui kam hnaivai a thlai huan leh nul hmun siamte thlai lo khawih mai a lo awlin kan tihchhiat sak fova, an kum tluan thawh

(.....Phek thumnaah zawm a ni)

CHAWNGBAWLA

- ☞ Pu Zaivawra damlo chu New Life Hospitalah a awm mek a, Pu R. Thansanga pawh CARE Hospital-ah a awm bawk a, dam taka an lo chhuah leh thuai theih nan duhsakna an hlan.
- ☞ Ni 21.5.2012 khan an hruaitu Pu Vanlalnggheta Pachuau chuan a pakhatna atan fapa duhawm tak Zaihmingthanga Pachuau kg 3.750 a rit a nei a, an member Pu K. Lalremtlunga pawhin a vawihnihna atan Ni 22.5.2012 khan fapa a nei a, Pu Laldingliana pawhin fanu tha tak a nei leh bawk a, an lawmpui hle.
- ☞ Kan branch YMA football teamten round of 16 an thleng thei chu an lawm hle a, chak zel turin duhsakna an hlan.
- ☞ Hun remchangah committee meeting tum a ni.

TAITESENA

- ☞ Ni 31.5.2012 (Nilaitawhtan) zan hian Section Committee meeting tum a ni a, memberte hunawl lo insiam theuh turin kan inngen e.
- ☞ Faina chungchang circular chhungtinte leh dawr neitute pek vek an ni a, lo ngai pawimawh theuh turin an ngen.
- ☞ Ni 29.5.2012 (Thawhle) zan hian Zawlbuk sak lai mekah Section hnatlang neih tum a ni a, memberte hunawl lo insiam turin an inngen e.
- ☞ Pi Lalhnuni, Saron Veng chuan Pu PC Lalremsiamahriatreng nan chhiatni a hman tur Drive Slow Sign section a rawn pe chu a chungah an lawm hle.
- ☞ Section chhungah ruihtheih thil avanga bengchheng siam thinte siam tawh lo turin an ngen.
- ☞ Pu Ramthanga Kum 63 chuan Ni 25.5.2012 khan min boral san a, a kalsan tak a chungte an tawrhpu hle.

VANAPA

- ☞ An Assistant Secretary Pu H.Lalremtlungah eizawna avang leh Committee member Tv Lalduhzuala Ngente in zirna avanga hmun dang a a awm dawn tak avang a an hruaitu nih na an chhonzawm thei tawh lo tur chu pawh an ti in awm an tih pui hle a, an kal zel na ah duhsakna sang ber an hlan.
- ☞ Rokhawlhna buru tak a awm anih loh chuan Thawhle zan hian Section Committee koh tum a ni a, hruaitu te hunawl lo insiam turin an in chah lawk. YMA Day hman dan tur rel tur a ni ang.

- ☞ An member Veng tan a Football khel te theihtawp chhuah a khel tur in an in chah.

KHUANGCHERA

- ☞ Section chhungah BP check hnatlang neih tum chu rokhawlhna a awm avangin thul a ni.
- ☞ Tunkar Ni 29.5.2012 zan hian Section committee meeting koh tum a ni. Memberte hunawl lo insiam turin an inngen.
- ☞ Section huamchhunga dawr hrang hrangah bawlhhlawh bawm fel fai tak nei theuh tura hmalak mek a ni.
- ☞ Section chhung a lo thianghlim zawk theih nan faina ngai pawimawh theuh turin an in chah.
- ☞ Section chhungah duty thin a ni a, harsatna nei chuan hruaitute hnenah hriattir zel tur a ni e.
- ☞ Central road-a infiam thinte kawng kal ti buai lo tura ngen an ni.

NEUVA

- ☞ Ni 24.5.2012 (Nilaitawhtan) zan khan Pi Remruati nepnawi dawr sairang kawng ami chu Lalchhuanmawia Hunthar veng chuan rawk tumin tala karchhia in a lut a, Thil pawh a khawih hma in Section Duty te chuan an nangching hman.
- ☞ Faina chungchang circular chhungtinte leh dawr neitute pek vek a ni dawn a, lo ngai pawimawh theuh turin an ngen.
- ☞ Tv EVL Hruaitluanga Asst. Secretary hnathawhna avangin a zin chhuak mek.
- ☞ Thatni ah Section bungraw hawhtur ten zinglam dar 9:00 hma leh tlai dar 3:00 hnu lam ah hawh thin turin an in ngen.
- ☞ Pasaltha Neuva In ah Section hruaitute zan lam ah duty thin a ni.
- ☞ Hun remchangah committee meeting tum a ni.
- ☞ Section chhunga bawlhhlawh bawm khai chu dimtak leh tangkai taka hman turin an in ngen.
- ☞ Pu Ramthanga T Section boral chu a kalsan tak a chungte an tawrhpu hle.

NGENNA

- ☞ Kan veng chhunga dawr/ Workshop neitu zawng zawngten bawlhhlawm bawm tha tak nei vek tur leh a bawmah bawlhhlawh paih hram hram turin kan in ngen e.

(Phek thumna mi zawmna)

rah kan tih riral sak fo thin hi sim a tha hle. A then phei chu tamchhaw, zu rui leh lo bo tawk an awm bawk thin. Hruaitute tan buaina bak an thlen lo. In lam a awm turte, lui thleng a kal tur te, lui leh luikama awmte tih tur leh awmdan turte, ei leh in inpek dan te ruahman na neih thin a tul em em a ni.

Kan ramah chuan chhiat tawk an awm chuan a thei thei kan han che chhuak vat thin a. Hetiang hun a lo thlena chhanchhuahna hna kan thawh dan erawh hi chu kan bihchian deuh a tha awm e. Hmun thenkhatah chuan kan hel nuai deuh niin a lang a. Hliamtuar la chhan tlak ngawih ngawih pawh kan ti chau zual thei a, bungrua la hmantlak tur ngei pawh hmantlak lovah kan chhuah thei. A tawng ring ring thu hi a fing ber lem lo fova, val upa leh khawtlang hruaitute rang taka remruat zung zung thin ni thei se a duhawm hle. Tlawmngaia lo thawk chhuak ta chu han in hauh leh rih kha a rem tawh chiah si lova, a nawlpua tih chi loh thilte pawh tam tak a awm thin a, a chang phei chuan tlawmngaia lo inthiar fihlim a tul tumte pawh thil awm thei a ni. Hetiang hunah hian ngaihnan hrang hrang a tam tawh thin a, chuangin ngaihnan fing leh rem hriate ngaihchan thiam a pawimawh hle. Chuangin chhanchhuah hna kan thawhna ah awmze nei (systematic) taka tih hram hram hi kan zir a va ngai ta em.

CWSC

- ☞ Chanmari West Sporting Club hruaitu tur Ni 25.5.2012 (Friday) dar 7:15 Pm hian Chanmari west Indoor Stadium-ah thlan a ni. Hetiang hi an thlan chhuahte chu an ni.
- President : H.Lalramhluna
- Sr. Vice President : C.Lalthanzuala
- Vice President : R.Lalsangzuala
- Gen. Secretary : Hmingthansanga
- Joint Secretary : C.Zonunsanga
- Asst. Secretary : Isarela
- Treasurer : Vanlalhluta
- Finance Secretary : Zohmingliana Tlau

ZOFA

- ☞ Ni 25.5.2012 zan khan Helipad-ah hun an hman.
- ☞ An Asst Secretary Tv. Lalringgheta chuan MFA referee exam-ah 3rd class referee a pass a, an lawmpui hle.
- ☞ An member Jerry Lalrinvara chuan Ni 26.5.2012 khan nupui a nei a, an lawmpui hle.
- ☞ Chanmari West branch football team chu an champion ngei an duhsak hle.

Central YMA

☞ Ni 12.5.2012 khan CEC Meeting neih a ni.

☞ YMA Day hman dan tur sawiho a ni a, kumin YMA Day 15th June, 2012 chu uar taka hman nise, heng a hnuai mite hnenah hian hetiang hian tanpuina pek nise an ti. 1. Krista Hnungzuitu Tawngtai Bethel Camping Centre - Rs. 30,000/- 2. Hermon Children Home - Rs. 10,000/- YMA Day denchhena Car Flag zawh dil Branch 4 Khatla, Tuithiang, Chanmari, Tuikual 'S' te chu remtih a ni bawk.

☞ CEC Meeting hian Branch dingthar 3 an pawmpui a, chungte chu - 1) State Veng Branch YMA, Vairengte 2) Teltlang Branch YMA, Hailakandi 3) Luipui Branch YMA, Cachar te an ni a, Sialsuk Branch chu Branch 2 a inthen an dilna pawh pawmpui a ni.

☞ Ni 24.5.2012 khan HPC 'D' ten Branch YMA an thiah chungchangah Sub-Hqrs. YMA OB, HPC 'D' Demand Area chhunga Group OB, Branch OB pahnih leh Aizawl Khawpui chhung Branch President te Central YMA Hall-ah inkoh khawm a ni a, hetah hian mi 138 an kal khawm. Thuchhuak siam a ni.

ANGANWADI HRIATTIRNA

Chanmari West Anganwadi Centre I, II leh III huamchhunga tleirawl 'SABLA' member mi 25 lak tawhte khan mahni lakna centre theuhah Badam a dawn lehtheih a, tunkar Ni 28.5.2012 (Monday) lak theih a ni e.

COMMON SERVICE CENTER

Mizoram Sawrkar hnuaiyah Common Service Centre atan thlan kan ni a, heng Certificate chi hrang hrang 1. Income Certificate 2. Residential Certificate 3. Tribal Certificate 4. Inner Line Permit (ILP) New/ Renew te eDistrict kal tlangin kan pe chhuak thei e.
DAZZLECHIPS CYBER CAFE
(Common Service Center)
Chanmari, Aizawl.
Prop : Rollick Lalnuntluanga
(2-1) Ph : 9436360882

KEIMAHNI

☞ Pu Lalbiakkima Sailo T Sect Secy chuan YMAAW chhutute tan thingpui leh a hmeh tui tak leina min pe a, Pu RK. Rozidingah T Section Leader pawhin Fanta in tur mi pe bawk a, an chungah kan lawm hle.

Hmuhdawm thin lo mah se en a chakawm tho thin

T-a

“He kawng hi chu aw... An inlehpel thei bawk si lo; tihdanglam dan a awm lo emaw ni chu le ? An inzui ringawt a, a hmuhdawm loh,” tiin U Nunthara leh Ka Pa Mawiaten kum tinin an sawi a, en an thulh chuang lo va, mi dangte pawhin he ngaihndan hi an thlawp hle. Mahse, Formula One tlankawng zinga an ngaihhlut em em a ni si.

Kumin hian Monaco Grand Prix hian kum dang aiin ngaihven a hlawh lehzuat a, a chhan chu F1 chanchina thil thleng ngai lo thleng tura beiseina sang tak a awm vang a ni.

Monte Carlo kawthlerah khawvela car chak ber an intlansiak thin a, 1950-a F1 kalpui a nih atangin Monaco tlankawng hi hman tan a ni tawh. A chep a, bang a hnaih a, kaw i a tam bakah kual ulh em em a awm tel a, chak taka tlanna tur ngil thui a awm mang lo. Driver thiamna tak tak a lan chianna hmun tiin an sawi thin.

Khawvela nawmchenna hmunpui pakhat a ni a, mi lar rual tawm khawmna a ni bawk a, a khawpui a mawiin tuipui kama rem taka inhung a ni a, tlankawng chhehvel boruakin nasa takin mipui a hip a, driver-ten nuam an ti a, chak ber nih an chak lehzuat.

Kumin hian wavi nga an tlan tawh a, driver hrang hlin hnehna an la chang a, 1983 hnuat season tanna tlankawng pangaa driver-ten pakhatna an inchan sem leh hmasak ber niin wavi khat aia tam chak ber ni thei an la awm lo. Chumai bakah, driver chauh ni lovin team hrang pangain hnehna an chang

tawh a, heti ang hi thil vang a ni.

Kum kal ta khan tun ang hunah hian Red Bull khalhtu Sebastian Vettel chuan hma a hruai fal hman hle tawh; mahse, kuminah chuan tun thlengin champion tur a la chiang lo em em. Monaco-ah hian Lotus an beisei a, anni hi pakhatna an nih chuan F1 chanchina a wavi khat nan season tanna intlansiak parukah driver hrang thiau, team hrang vekin chak ber nihna an lauh dawn a ni.

Lotus a nih loh pawhin McLaren driver Lewis Hamilton chu rin kai a ni a, ani hi a tlan chak ber a nih chuan driver hrang parukin season tanna tlan rukah hnehna an chang dawn tho va, 2008 world champion Hamilton pawhin he kawng hi pakhatna nih a chakna ber a ni tih a pha lo.

Kumina wavi nga qualifying an tlan tawh zinga pathumah Hamilton a chak ber a, mahse, 2012 chhungin eng tlankawngah mah hnehna a la chang lo. Monaco hi inlehpel harsatna a nih avangin qualifying a pawimawh a, 2009 atangin a hmasa ber atanga tlan chhuakten hnehna an la chang ziah a, tun kum hnih chhungin Red Bull chak ve vein, nikumah Vettel, 2010-ah Mark Webber a tlan chak ber.

Lotus emaw Hamilton emaw an chak lo a nih pawhin, kumina pakhatna la ni miah lo Webber emaw Michael Schumacher-te chu chak thei tur zinga ngaih an la ni cheu a, F1 chanchina thil thar a thleng lovang tih a sawi theih loh.

Vawiin tlai dar 5:30 atangin an tan dawn a, en loh a har leh ngawt ang.

HEI LE LIMBU TUI

Limbu Tui fir tha tak kan nei reng e, min dawr thin tuten min han dawr leh teh u. Man tlawmtein kan pe chhuak leh ta chur chur e.

VL. Chhunga, T- Section
(1-1) Ph:9862926173

LG & SAMSUNG

**EURO SPECIAL
DISCOUNT
TV, LCD
Sukam Inverter kan nei bawk**

**i - One Multi Brand
Vaivakawn, Zotlang peng**
(4-3) Ph. 9862492830

ICFAI UNIVERSITY MIZORAM

(Approved by UGC)

Kum 2012 atan ADMISSION a hawng mek.

Zir theih te:

BBA, BCA, BHTM - (Pawl XII, 40% mark hmu chin emaw result ngahak mek tan)

MBA - (Graduate - Arts, Science, Commerce 45% mark hmu chin emaw result ngahak mek tan)

Hengah te hian ngaihven theih a ni -
1) City Office, ZoCareer Solutions. Near Axis Bank, Chanmari, Aizawl
Ph: 0389-2306789, 9615755388

2) University Campus, Durtlang North

Ph : 0389-2361232, 9862596226

3) Website : www.iumizoram.edu.in
(2-2)